



釋迦如來成道記

中村進午文庫
文庫5
412
2 止



所屬 HBS
部門 II
卷 39 2
佛

所屬 HK
部門 中村 敬康
番號 120
小番 2

昭和三年一月二十五日
中村敬康氏贈

昭和三年十一月十七日
法華部研究室より移管

故中村敬康氏記念圖書



釋迦如來成道記卷之下

唐太原 王勃 撰

錢唐月輪山居慧悟大師
賜紫 道誠 註

本事本生之別諷頌重頌之殊

此十二分教之四名類揚

論云本事者謂如來說聖弟子前世等事本
生者謂如來說菩薩本所修行相應等事梵

518
S

成道記下

云伽陀此云諷誦謂以勝妙之言緝為讚詠
等梵云祇夜此云應頌如經云欲重宣此義
而說偈

象馬兔之三獸渡河

次第喻菩薩緣
覺色聞人也河

喻十二因緣也三人同悟而深淺不同矣婆

沙論云三獸渡河兔浮水上馬及一半象窮

水

底

緣覺乘牛車喻菩薩乘三乘俱以運載為義
前二乘是方便施設惟太自牛車是實引重

羊鹿牛之三車也

法華經三車喻也羊
車喻色聞乘鹿車喻

致遠運載萬有不遺一物者也宅者經云三
界無安猶如火宅又三界之身為邪見之宅
也

或謂之有空守中也

此叙如來化儀說教
不同也初說有教次

說空教皆為不了義守在
中道不務速說俟其時也

或謂之無轉照持

也

空教但破有病緣未顯真靈之性只以一
切差別之相為法法是俗諦照此諸法無
為無相無生無滅無增無減等義是真諦此
之無字非斷滅無蓋是遮詮意顯真空妙有

真靈之性令展轉推照任持修證也 **或謂之頓也漸也** 且眾生

利有鈍故佛說教有頓有漸今就教有化儀頓漸應機頓漸就人有教授方便頓漸根性

悟入頓漸發 **或謂之半也滿也** 涅槃經云半意修證頓漸字者是煩惱

言說之本滿字者是一切善法言說之本但半字是不了義滿字是了義 **或無**

說而常說 般若經云汝勿謂如來有所說法若人言如來有所說法則為謗佛

是人不解我所說義有頌云始於鹿野苑終至跋提河中間五十年未曾說一字此約如

來離法界外及三世諸佛同故 **或不聞而恒**云無說若約俗諦則何嘗不說

聞 淨名經云夫說法者無說無示其聽法者無聞無得此皆約第一義諦也 **或保**

任而可憑 法華經云我今為汝保任此事終不虛也此約一切眾生皆有佛性

皆得成 **或加被而不忘** 阿難佛成道後二十

佛也 年方為侍者佛前後

所說法或不聞或粗聞乃至過去佛所說盡
 能憶念以佛加被力故寶積經云如來以佛
 神力加諸有情令念宿住而告之曰汝今應
 念於過去世已種如是諸善法根彼諸有情
 以如來力隨念皆知此融會教體也小謂
無小而不大
 隨念皆知此融會教體也小謂
 來還根不同而法無大小之別也文殊問經
 云佛言未來世二十部小乘譬如海水無有
 異味皆從般若有無二見良由
無邊而不中
 波羅蜜多出故惑見殊致及乎

會歸中道則

三乘同一佛乘

涅槃經云一乘者名為佛

性以是義故一切眾生皆有一乘也法華經云十方佛土中惟有一乘法無二亦無三

三性同歸一法性

法性者佛性也涅槃經云色聞性緣覺性菩薩性無

有差別同

真可謂父母孩孺導師險夷

涅槃經云

佛念一切眾生猶如赤子故佛為眾生慈父母也法華經云今為汝等作大導師知諸生

於險難長遠言險者卽三界生處惡趣也夷
 者卽一乘妙道也華嚴經云佛於一切衆生
 如慈父廣大利益故如慈母出生佛種故爲
 導令究竟至安穩處故爲師令入眞實法中
 故
懸日月於幽宵 金光明經云無上佛日大
 日照晝華嚴經云月有四奇特一映蔽一切
 星宿光明二隨時示現盈虧三於世間澄清
 水中影無不現四一切見者皆對目前如來
 出世亦復如是 一映蔽一切二乘外道二隨

其所宜示現壽命長短三一切世界清深心
 衆生菩提器中影無不現四一切衆生有瞻
 對者皆謂如來惟現我前隨其心樂而爲說
 法又大婆娑論云月麗高天有二種利益一
 照於幽暗二滋長草木佛出世間亦有二利
 益一照破無明痴暗二滋長人天善根言幽
 宵者謂生死界也惟識論云未登眞
 覺常處夢鄉故我說爲生死長夜
布舟航
於幻海 如來大智大慈具運載衆生度生死
 岸與樂之用故喻舟航也一切有爲

法虛妄造作轉變不實喻如幻術也煩惱
惱奔流汨沒有情難渡彼岸喻如海也 **為雲**

為雨使枯槁以還滋 法華經云如來出世如
大雲起雨於一切卉木

藥草隨分受潤一切眾生為煩惱燒煮法水
未洽謂之枯槁如來出世大慈大悲隨根說

法眾生本有善根因 **為救為歸指窮途於壽**
之增長故云還滋

域 救護也歸趣也梁僧亮法師云王救於國
親護於家佛則不爾一切皆救護也生處

曠遠無際乏於法財資用謂之窮途 **暨乎所**
涅槃常住不隨世法遷變謂之壽域

作已辨功成不居將返本以還源類新盡而

火滅 此第八雙林般涅槃相也如來度生緣
畢謂之所作已辨將息大用示歸真寂

謂之功成不居本之與源皆一真法界也法
華經云佛此夜滅度如薪盡火滅華嚴經云

如來為示一切有為行法非安隱故為諸人
天樂著色身示無常力不可轉故十方諸佛

不入涅槃際為調伏衆生示
現滅度息用各滅非斷滅也
蘇是指力地諸

金河

拘尸羅城多產有力之士諸國無敵故
號力士生地梵云呬離刺峯伐底或訛
畧云跋提華言有金河是產閻浮檀金處水
之淨莫過此河梁僧宗法師云佛來此河邊
入滅有意且河流奔注喻生外道速金沙不
動喻佛性常住如來因地修行時在此處六
捨轉輪聖王身命今來
此入滅為報地恩故

光流面門相驚塵刹

山搖地動俱興苦痛之聲

光佛色山搖地震皆相也塵刹者無數佛國
也涅槃後分經云十方世界一切震動出大
音色喞言苦哉痛哉如何一旦世間孤露惠
日滅沒喪真慈父一切大海混濁涌沸苦痛
之色遍滿世界梁僧瑠法師
云無情尚爾况有心者哉

異類變容同現

奢花之血

涅槃經云一切天龍八部人民悲
憐痛切身皮血見如波羅奢花梁

僧亮法師釋云天生有
此花其葉白其脉赤也 **受純陀之後供** 梵云

此云解妙義是拘尸城工巧之子來自佛言
為令世間得善果報受我最後之供佛許之
或問日經云人天四眾國主豪族皆來獻供
如來皆不受何故受此工巧子微供耶答曰
亮法師釋云佛意不欲棄少從多遺卑就勝
而純陀生地雖賤而志德甚大苟有其道不
在貴賤使廁下之徒肯不自輕也言志德大
者蓋悟常住法又有言曰為令世間得善果

報天王人王并諸豪族雖競獻珍妙諒闕此
心亦如左傳云黍稷非馨明德斯馨矣問經
云如來之身如金剛無生熟二藏在世
洵滅何故受食耶答此非實事涅槃經云如
來之身已於無量阿僧祇劫不受飲食為諸
色聞說先受二牧女乳糜為諸眾生復受純
陀後供又菩薩處胎經云至九地菩薩方見
如來食時言捷疾天人接佛所食將往十方
世界施作佛事若維摩
化人取香積佛飯也 **納毗夜之睿言** 毘字
合作

界字梵云波界夜譯云惡是魔王波旬名也
涅槃經云魔王持寶獻供上佛并說咒護法
佛言我受汝咒為護將來眾生及四部弟子故
唱四德以顯三伊四德者

常樂我淨此四是涅槃果也三伊者謂般若
解脫法身此三是涅槃體也梵書伊字只三
點一點在上表法身兩點在下左點表般若
右點表解脫此約能依所依論也涅槃經云
如來唱言我今安住如是三
指萬有而歸一
法為眾生故名入般涅槃

性 萬有者有情大數也一性者佛性也如來
至涅槃會上方便直指一切眾生皆有佛性

訓多羅迦葉四十二請問已周涅槃會上有多羅聚落迦

葉氏菩薩申三十四問首言云何得長壽金
剛不壞身復以何因緣得大堅固力云何於
此經究竟到彼岸等按梁武帝為高僧寶亮
法師製涅槃經義疏序畧云發迦葉之憤懣
吐真實之誠言三十四問參差異辨方便勸
誘各隨言答今言四十二是澤州遠法師疏

也分開度須跋陀羅八十一化緣將畢跋陀羅

華言善賢是外道之師聞佛說涅槃甚深之義智超惑心投佛出家佛命善來比丘鬚髮自落袈裟掛身即席證阿羅漢果年已八十一佛記言此我最後得度弟子也破十

僊之橫計使獲朝聞提首那二婆私吃三先尼四迦葉氏五富那六淨梵志七犢子八納衣梵志九弘廣婆羅門十須跋陀羅此十仙

皆是外道上首有太名稱國王師重其徒實繁於涅槃會上各肆本宗所見競縱偽辨問難如來如來一一破其宗計由是詞窮理盡片羊多岐同歸一途即席皆證道果朝聞者道也論語云朝聞道夕死可矣建四塔之崇規返滋末葉此謂人聞四塔也一如來生處塔二如來成道處塔三如來轉法輪處塔四如來般涅槃處塔將欲明有為之有滅表無相以無生世諦法

也一百法中九十四法皆生滅法般若云一切有爲法如夢幻泡影如露亦如電無相者真諦也無爲法性衆僞已盡非一切相故非生滅也

上先金剛身往復

虛空界

涅槃經云如來以黃金色身示諸大衆言我於累劫修難行苦行得此金剛不壞之身我今化緣已畢將入涅槃汝等細觀今日則有明日即無乃從寶牀上外空中高七多羅樹如是七友復歸寶牀

日月其猶墜落螢光如何

久留

日月天壽五百歲即人間一千八百萬歲以人壽百年比之若螢火也教示勝

光王經云日月有神用轉力放大光明遍照世間終歸隱沒無常經云大地及日月時至皆歸誠有常身使無放逸

誠有常身使無放逸

夫外道計之爲常涅槃經云佛言我於往昔爲汝等故無量劫捨身命財求無上菩提是故汝等於我滅後應廣修行速出三有勿復懈怠散心放逸此如來最後垂誠於是

還登玉座首臥鶴林

還登者如來自空下也玉座者即所臥寶牀也

首臥者謂北首臥也天竺以北為上故又表

佛涅槃後遺法久熾北天故佛涅槃處有樹

梵云娑羅華言堅固四方各二合則成八高

五丈上合下離其樹佛滅時枯悴變色如自

鶴故云遍遊三昧之門將復一真之性

者正

定也一切聖人所由故曰門也一真性者法

界也涅槃經云大涅槃者是諸佛如來法界

逆入順入全超半超

此叙遍遊三昧門也涅槃經云如來臨般涅槃

時入初禪初禪出入二禪如是乃至四空處

天入滅盡定此各順入若出滅定入非非想

天定乃至出初禪此各逆入若初禪入三禪

出三禪入空處出乃至非非想處出此各半

超若初禪入乃至非非想天定出此各全超

如是超禪經七反復乃告大衆我以佛眼遍

觀三界一切諸法無明本際性本解脫以

是因緣我今安住常寂滅光名大般涅槃

依

四禪之等持湛三點之圓寂

涅槃經云世尊於娑羅林下寢

寶牀上於其中夜入第四禪寂然便般涅槃
等持者梵云三摩地謂平等任持一聚心心
所法令不散亂深取所緣名等持卽七定之
一也今言依四禪合是根本定梵云馱那演
那此云靜慮婆沙論云此定定惠平等餘定
闕少不名靜慮此通有漏無漏有心不通無
心湛者寂然也三點者見上伊字註圓寂者
涅槃也梵云波利昵縛南此云圓寂圓謂德

無不備寂謂障無不盡故今稱涅槃亦梵語
之畧具足應云般利涅槃那華言普究竟謂
一切煩惱結
是時也人天叫躡鳥獸哀啼飄
習普究竟故

風驟雲山吼波逆

此畧叙佛涅槃時變異之相文可解也按古今論衡

云佛涅槃時當此土周穆王五十二年壬申
之歲二月十五日也是日暴風急起發損人
舍摧折林木山川大地宮殿震動穆王問羣
臣太史扈多奏西方聖人入滅哀相現爾涅槃

樂經師子吼菩薩問曰如來何故二月十五
而般涅槃佛言春陽之月花木榮茂鳥獸爭
乳眾生多起常想如來為破如是想故若以
世壽等佛止此年七十九歲矣金光明經信
相菩薩作是思惟釋迦如來壽命短促九八
十年于時所居忽然廣博嚴淨有四如來現
在其前而告之曰一切諸水可知幾滴諸須
弥山可知斤兩一切大地可知塵數虛空分
界可知邊際無有能算
案輪王之百式方俟葬
釋尊壽命不ト應ス生ス疑

儀涅槃經云阿難問佛葬法如
何佛言當依轉輪聖王儀式
命力士以捧

持竟無能動拘尸城力士諸國無足共舉金
棺竟不能動此時摩耶夫人自

切利天下至涅槃處執佛衣鉢錫杖啼動悶
絕爾時如來金棺自開起身合掌問訊慈母
遠屈下來諸行法爾願勿啼泣阿難自佛後
人設問如何應答佛言但云佛涅槃後摩耶
夫人下來佛為將來不孝眾生
從金棺起合掌問訊應如是答
繇是金棺自

舉遠拘尸之大城

涅槃經云如來欲令一切眾生得平等福金棺自舉

外虛空中徐徐而行天人龍神香花音樂隨
遶供養自拘尸城西門入東門出南門入北
門出如是出入經于七皮人民瞻
禮訖然後自至荼毘香臺之上
寶炬不然

阿闍維之盛禮

梵云闍維此云焚燒經云一切人天皆執寶炬欲然香薪

火到皆滅阿難告眾曰如來待大迦葉故未然也

莫不未生怨在於

王舍創結夢於十號慈尊

未生怨即王舍城主阿闍世王小名

也佛涅槃時王臥疾得五惡夢及寤方知佛已入滅十號謂如來應供正徧知明行足善逝世間解無上士調御丈夫天人師佛世尊也慈者大慈四等心之一也
大迦葉

遠下雞峰獲瞻禮於千輻輪足

雞峯者山有千峯如仰布

雞足一名雞足山摩訶迦葉在彼住止去拘尸城遠聞佛入滅不運神足將五百眾奔至雙

林七日方到佛出雙足於棺外示之迦葉瞻
禮悲泣見足底千輻輪相金色炳耀說偈讚
訖於是如來出大音聲我以正法眼付
汝當作依止然後佛足還入棺中如故畢以

兜羅緻氈聖火自焚

兜羅者天竺綿也緻氈者天竺貴布也依轉輪

王葬式纏裹全身火既不然迦葉語曰如來
金剛之身非世間火而能燒之於是如來以
大悲力從心十字中涌
火而自然之故云聖火
燕王象梅檀之薪注

帝釋金瓶之水

茶毘香薪皆天主人王所奉
故曰王象梅檀也帝釋先告

佛乞半身舍利歸天供養佛唯許右頰上鬘
一牙洵火已焚七日而烈燄未滅龍主作念
撲滅是火先取舍利皆盡力不能沃滅及天
帝釋躬持金瓶注水火乃息矣見畏佛身千
氈唯著身并最上二氈宛在中間諸氈皆為
灰燼其頂骨乃四牙燦然不動帝釋稟教惟
取所許一牙迎歸天宮建塔
安置供養此天上第四塔也
彼願力猶在悲

心尚真碎金剛之勝身為舍利之遺骨

佛始一切

發心皆有四願一云味度令度而衆生界未盡我願亦未盡故於真如界中大悲心內現起化身廣度衆生雖示滅度而留舍利流布世間令瞻奉供養發心生善故云願力猶在悲心尚熏也涅槃經云以勝金剛定自碎金剛身不捨於大悲舍利猶分布於是

八國嚴衛四兵肅容各自捧於金壇競歸與

於寶塔

八國者天竺強國也四兵者象馬車步也壘者瓶屬以金為之梵云蘇鋤

婆此云寶塔凡土木磚石成者但有佛舍利皆名寶塔菩薩處胎經云佛滅度後有舍利八斛四斗八國王各嚴四兵來爭乃至天龍八部皆興奪心時有智臣告曰諸王若爭須有勝負如來舍利不成利益我當分為三分一分奉諸天一分與龍神一分分八國此是衆心悅隨各將金壘盛貯迎歸本國建塔供養於是若牙若髮迦葉

波禮於切利天宮

切利天帝釋建塔有四一八如來髮塔即悉達太子入

雪山時自截下髮擲於空中者二箭云憍梵波提頭面禮象中清淨太德僧象王既去象子隨太師既滅我亦一燈滅而一燈續燈者滅於是化火自焚

正法眼喻如燈也有照闇除昏之用故淨名有無盡燈義在此也如來般涅槃時付囑大迦葉迦葉滅度付阿難阿難滅度付商那和修有下二十七祖但一人傳一人故圭峯云

先祖草昧防失故一人傳一人

莫不大迦葉

雲迎千衆

佛既涅槃諸外道喜曰瞿曇在日教法猶如火今既滅度不久撲滅時

梵王帝釋與諸天王皆來請迦葉曰如來以正法眼付囑尊者宜早結集於是迦葉遣使往彌盧山頂擊銅捷椎聲中有言遍召聖弟子無學千人至摩竭提國上菴城畢鉢羅窟請阿闍世王為檀越外護結集遺教阿難陀雷吼三輪梵云阿難陀華

言慶喜是佛堂弟出家之後二十年為佛侍
者多聞第一初結集場中唯取無學聖人時
阿難尚居學地被迦葉揖出眾阿難憤悶乃
於林中習上地定斷盡煩惱殘結即證阿羅
漢果即來門外自眾求入迦葉語曰若已得
無學當從門隙中入阿難應聲乃入禮拜太
眾迦葉請優波離集律藏阿難集經藏阿難
於座眾有三疑一疑佛再出二疑他方佛來
三疑阿難成佛泊阿難唱如是我聞群疑皆
釋言雷吼者法句經云比丘摩訶盧達觀聲

如雷吼或以阿難比之三輪者謂聲舌語也
然聲有五德一甚深如雷二清徹遠聞三聽
者無厭四入心愛樂五諦了易
解阿難具此故云雷吼三輪
商那表定於

未來如來在日遊摩突羅國指一青林謂阿
難曰此名優婁茶山吾涅槃後有比丘
名商那和修於此起伽藍說法教化多所利
益至佛滅度後阿難弟子名商那和修阿難
欲滅付法與之大行教化果如佛言商那度
優波鞠多長者為弟子一日至彼所坐牀上

毘多諸弟子皆不識多起慢心商那乃舉手
空中甘露雨下現五百法門毘多不識商那
曰佛入此定目連不達目連入諸比丘不達
我入汝不識我得七萬七千本生經八萬毘
尼八萬毘曇汝皆不達
毘多化壽而盛
我若去諸法門隨去也
婆
毘多商那和修付法弟子也佛在日有外道
尼健子名薩遮聰明辨利博達衆論諸王皆
拜爲師然知佛法正妙欲求出家來自佛言
若我出家得如佛否佛言不得又問如舍利

弗目乾連乃至問如已下五百比丘否佛皆
云不得若我滅後無諸大人然後如也佛語
衆曰我滅後百年此外道生摩突羅國名優
波毘多華言近護出家證果化人無數至期
皆如佛記於中印土說法教化凡受化俗人
夫婦偕得道者卽擲一籌置於石室中室高
二丈縱橫三丈其籌遂滿至毘多滅
始自壞
度弟子各通真量只用此籌闡維之
梁之感
大迦葉將涅槃付法與阿難已捧佛
所付衣入鷄足山入定待彌勒下生

先阿闍世王有約尊者入滅必來告我乃往
 辭王睡不見王於睡夢屋之木梁折乃寤方
 知迦葉入滅不久俟駕奔至山前其山已合先
 是迦葉入山時有要期云若阿闍世王來及
 弥勒下生此山方開洵王來山為之開見迦
 葉捧衣端坐其中王瞻礼悲泣讚頌訖山乃
 復合

終乎流乳之徵
 西天傳法第二十四祖師
 子尊者在窈賓國然知有
 難不可苟免乃付一衣一偈與弟子婆斯多
 尊者語曰吾此有難汝當往他國行化其後

外道目熾諸於弥羅掘王王失正信乃毀法

壞寺執劍斬師子首及白乳涌高數尺於是

彼國傳法

終在此人

水注置餘器餅器

雖殊而水無別

光喻如來法雖一灯

分千而光明無二

文殊彌勒異其宗
 真空妙有大乘之至理也
 然佛法雖惟一味而投機

隨根不無其別且文殊菩薩弘一性宗此克實約一切眾生皆有佛性也弥勒菩薩弘五性宗謂一聲聞性二緣覺性三大乘性四不定性此不定性謂第八識中具三乘種子遇緣即修故云不定五無種子性此謂第八識中無聞熏種子非如瓦石之無也如善戒經云無種性人但以小乘而分毘梳金上座人天善根而成熟之

大衆元其部 小乘教者佛為鈍根方便施設元無別本至佛滅後師資相授

互相矛盾，泚流遂別，出三藏記云佛在日有長者夢一貴氈忽自分為五段怖以問佛佛言此表我滅後律藏分為五部又有因緣經說頻婆娑羅王夢一枝金杖斬為一十八段以自佛言表我滅後小乘教分為或十支十八部言上座大衆者二根本部也
審 此序聖弟子造論破邪立正也言十支者一畧陳名數支即百法論二粗釋体義支即五蘊論皆天親菩薩造三總色衆義支即顯揚論四總攝大義支即攝大乘論皆

無著菩薩造五分別名數支即雜集論無著
師子覺賢惠等三菩薩造六離僻處中支即
辨中邊論無著菩薩造七摧破邪山支即二
十唯識論八高建法幢支即三十唯識論皆
天親造九莊嚴義支即太莊嚴論十
攝散歸觀支即瑜伽論皆慈氏菩薩造

或十

部尊興

天親菩薩是無著菩薩俗中親弟法
中，小師始宗有部造五百論明小
天竺無敢敵者無著是初地菩薩觀其弟
大乘根緣將熟乃假疾召歸有迹一驛遣一

弟子往接至夜回館宿其弟子夜誦大乘一
偈云若人欲了知三世一切佛應觀法界性
一切唯心造天親聞之豁然悟解大乘正理
且悔昔誅斥深咎何補元其罪本但是舌根
乃起手執利刀欲截其舌無著遙知伸臂捉
住諭之曰汝悟大乘蓋其時矣昔以舌毀宜
以舌讚可補其過苟斷舌不言其利安在天
親受教乃止戴星而行消覲本師諦聽慈旨
便造大乘論累五百部故
天竺呼為千部論師焉

馬鳴龍樹繼其芳

此二菩薩始事外宗皆迴心正法出家宣揚大乘俱為論師

無著大親播

其美

此乃賢師哲資俱大論師已見前註

或提婆鑿碑而作器

提婆菩薩是龍樹弟子才敏辨義擅各五印住南天竺初得法已人未歸信其國有大自在天廟鑄金為像高二丈以頗黎寶為眼用機能動凡人不取正視提婆入廟驗之從觀者眾時天像動眼向提婆提婆語曰神則神矣何斯小哉當以精靈感人智德伏物而假

黃金自多頗黎榮惑非所望也乃登梯鑿出其眼神遂無靈由是提婆色化大振今詳器合是氣字緣本傳無作器事蓋提婆欲揚正法鄉人未信故作氣驗神

陳那

石以飛聲

陳那菩薩大論師也劫初有外道伽毘羅修世定得五神通造論名

僧法薩怛羅此云數論恐後人破我此義乃往太自在天求長生術天曰我化汝為一物最極長壽無越石也乃通告門徒我將化石若有難我論令書於石上我自通吞洎陳

那造因明論將破邪解知此石是彼外道乃
書比量於上難之斯須芥文隱出陳那無立
量芥文經宿方出至第四量難之石不能芥
忽大吼一色震烈迸碎故天竺云陳那有吼
石之

或百偈齊祛於外宗

論師名比羅是馬
鳴菩薩弟子造無

我論百偈到處執
我外道無不摧伏

或十師翊贊於遺頌

天親

十唯識頌後有護法菩薩十大論
師共造釋文贊成之今唯識論是

或聞經而

夜外墮率

無著菩薩入法光定夜外墮率天
請問慈氏金剛經義慈氏說八十

頌申明太義無著約十八住處造論
二卷天親約斷二十七疑造論三卷

或待佛

而窟寄修羅

明辨論師欲求長生待慈氏下
生乃往南印度修羅窟前誦金

剛呪呪自芥子擊其石門石門遂開明辯攝
衣奮入相隨入者六人石門乃闔矣梵云阿
修羅華言無
端正神也

或劔誓首以要期

提婆菩薩受
出家法已於

天竺國四衢道中敷高座作三論云一切聖
 中佛為第一一切法中佛法第一一切救世
 僧為第一八方論士有能破此義者我當斬
 首謝屈既鳴鼓已八方論士皆集場中亦各
 立要若我不能破此義者亦斬首為謝如是
 冥主敵論涉于三日八方論士辭義皆隨各
 請斬首提婆告曰我所宗法仁治萬物不斬
 汝首但斬汝髮與死無別於是八方論士皆
 剃髮

或象馱金而請釋
天親菩薩為眾講婆
 沙論以一日所講之

義乃造一頌攝之用赤銅葉刻字置象頭上
 出金五十片置象尾上自坐中間擊鼓唱言
 有能破此義當奉此金諸國無人能破乃將
 頌并金寄與剎賓國諸婆沙師亦不能盡解
 彼諸師却加金五十片迴餉天親請作釋文
 天親由是自造長行釋頌即今俱舍論是

或賞能而食邑
論師摩陀那才辯縱橫因論
 義得勝頗婆娑羅王割一邑

或得勝而建幢
付法藏傳云馬鳴菩薩
 於富那夜奢處得勝法

已乃建南天竺國論或論般若之理也名燈師名迦毘造

論名般若燈謂根本無分別或究俱舍之非智有寂照之功故以燈為喻

也名電昔迦濕陀羅國有論師名眾賢見天親俱舍論乃造五千頌斥其非義名

俱舍電論以世間電能壞稼穡花果故以喻為名乃將徒持論尋訪天親欲定是非天親

為諸國無正人為量果逆避而未就甫近驛眾賢忽覺氣衰不能前進乃修書遺弟子

送論與天親其書畧云不自量力作為此論

智小謀大外期至矣菩薩抑揚至理若得存

遺文則久而無恨也天親讀其論見文多順

已義又重其知過乃為更名順正理論焉

莫不殊塗異轍終會一源自有及空咸歸萬

德殊塗異轍謂外道小乘也自有及空者皆

自商周見虹貫周書異記云穆王五十二年

壬申二月十五日酉方有自

虹十二道南北貫連王問太史炎漢夢金人

扈多奏西方聖人入滅衰相耳

後漢第一王孝明帝永平二年夜夢金人丈

六飛至殿庭光明炳耀且問群臣通人傳教

奏曰西方聖人號佛陛下所夢必是彼也博

士王遵奏臣按周書異記云太史蕪由奏昭

王曰西方有聖人出一千年後教及神州聲

聲教來此陛下所夢即其事也

流華夏 聲亦教也此方教曲以佛無漏色為

體故云色教又唯識論用色名句文

四法為教體矣時明帝納王遵奏乃遣中郎

將蔡歆泰景博士王遵一十八人同往西域

迎佛法至月支國遇迦葉摩騰竺法蘭二梵

僧并自齎畫釋迦像四十二章經白馬馱至

洛下即後漢永平十年丁卯為此土有三寶

之始也明帝勅圖釋迦像於西陽城門上及

顯節陵上供養即此土畫像之始也有唐高

僧太律師道宣居終南山以戒德律行至高

北天毘沙門王常遣二天人冥佑之宣嘗經

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

行失脚將墮階下時天人承足方現其身因

問其稱是天人宜問曰如周之蕪由扈多漢
之傳毅王遵吳之闕澤皆素未識佛法而能
知聖人生滅色教將來辯佛法為上彼何人
耶天人黃瓊荅曰彼皆天人也為佛法流行
此土天遣降神佐國宣明佛法故也
勃叨生季世獲奉真譚雖
錄續而以叙金言在飄零而不逢玉相
釋迦如來
滅後正法五百年像法一千年末法一萬年
唐三世在像法之末故云季世也三藏至真

之教謂之真譚也如來金口所宜謂之
金言佛眉間白毫相光謂之玉相也
見聞

盡爾宗致昭然蓋委遺文不復備而言也乃

為銘曰

化起從本源 化起謂三類佛身
本源謂一真法界
功成應賢劫

如來經三無數時修六度萬行乃至三千大千
世界無有如針鋒許非是如來捨命處此

謂功也然燈佛授記於此賢劫成佛梵云跋陀劫數此云賢時猶紀年之類也萬行

顯真宗天真佛不從外來一切眾生各各具有但由虛妄流轉二障覆蔽不能了

知故菩薩修六度萬行功德莊嚴既滿用根本無分別智照真如理於金剛道中斷盡煩

煩所知二障種子集氣於解脫道中顯出法身若用藥磨鏡也三祇積鴻業

梵云阿僧祇華言無數時也今略云三祇祇菩薩經此修六度萬行謂之鴻業為法

出於世降靈示分脇無常經云若世間無老病歿三法者如來則不

出現及說調伏等事肩橫天帝弓華嚴經云肩細纖曲如帝釋弓經音云虹

名天目帶青蓮葉摩法師云天竺有青蓮華其葉修廣青白分明有大

人目相故將為喻仙師相垂淚天神爭捧接灌頂當

在宮飛輪化彌帟帟讀也灌頂者轉輪聖王子將紹王位父王取四大

海水灌其頂上乃冠其首爾時七寶自空而
來其金輪寶飛往四天下一切國土悉自歸
化

宗承天日貴象貫師子頰

天日者佛祖姓
也師子頰聖王

即日種之後
是佛祖也

善教誰與傳

本行經云太子自
七歲入學王請婆

羅門昆奢蜜多羅教文展提提婆教武頰誰
那教筭雖立三師而太子文武筭法通達三
師皆神伏所謂無師智自然智生而知之也
或問此無師智自然智莫與外道自然同否

答曰非也斯是常住之義雖不約緣生
要假緣顯故法華經云佛種從緣起也
抨彈

獨豪俠

經云太子年十五與眾圍射嫌諸弓
軟弱今取祖廟轉輪聖王弓來眾人

皆不能施張唯太子安坐微挽而滿
彈其絃色遠迹震響由是皆伏其力

遊觀驚

老幼逾城棄臣妾落髮親室乃寶衣遇群獵

寄跡狎麋鹿苦身示羸怯食糜人盡知坐草

魔方懾索若蓮出木明逾鏡開篋山海類高

深雲雷筆輝捷

大婆娑論云如來外有餘涅槃空界興大悲雲發勝惠電

震空無我雷音詞謂四辯中無礙辯也捷謂七辯中捷辯也如來具此諸辯故知一切法名相句義樂說縱橫而無遺失怖畏分別了了故

三時教彌闡

佛所說教

有三時別第一時說有教第二時說空教破前有病第三時說中道教雙治二病故或問

如來出現本為大事如何先說有教化人耶答此時執常外道多若說大乘常住之法小根之人有謗法之罪故

萬類根自愜

維摩經云佛以一音演說法眾生隨

類各得解所謂密

四問聊欲酬

涅槃時阿難

口一音殊類異解申四問一問佛滅度後諸比丘以何為師佛言以戒為師二問依何而住佛言依四念處住三問惡性比丘如何調伏佛言梵壇治之四問一切經首當置何言佛言當云如是是我

問十僊度相躡

見上

補處記慈氏

九一化佛滅度必投

一菩薩當來何劫於此處成佛說何法度幾衆生等名爲補處菩薩今釋迦佛授慈氏菩薩補處之記遺文囑迦葉涅槃經云佛言我所有無上正法悉付囑摩訶

遺文囑迦葉

無上正法悉付囑摩訶

迦葉爲

卧樹徒載春

卧樹謂娑羅樹也

香薪已焚

悲心及綿遠舍利光燁燁

梵云設利羅今訛畧云舍利華言骨

身所以不譯者恐濫凡夫骨身故又云馱都

此日不壞義有二種一全身二碎身碎身有

三種一骨舍利白色二肉舍利紅色三髮舍

利黑色唯佛舍利有五色神通變化不爲一

切物所壞經無量劫

常在具足馱多之義

涉

獨我者王氏自嘆之辭生當像法之後故謂後時佛遺教謂之餘波幸小雅曰非分

遇福也寶雨經云如來於一切諸法會中以法雨水灌人天頂故云霑霑者濡也漬也毛

詩注云水行爲涉斯謂沐浴法南入法流也音
義指歸云注猶源也俾尋波討源文義無失
此記文皆內曲事迹不可易知今引諸經論
以爲注非出之胸臆也其有事實與世相違
乃假間端亦引經爲答所貴照我佛之化迹
以釋人之疑情博達君子不以枝詞爲誦焉

夾註成道記卷下 終

寬文六歲 丙午初夏
飯田氏忠兵衛刊行

林茶漫寫忠兵衛門
古門前石橋町



W 3810.7

